

<><><><><><>

Headlines

- उपराज्यपाल मनोज सिन्हा होरें श्री अमरनाथ श्राईन बोर्ड दे यात्री निवास दा श्रीनगर दे पैंथा चौक च उद्घाटन कीतां उनें आखेआ जे एहदा निर्माण बाबा बर्फानी दे श्रद्धालुएं लेई बेहतर सुविधा उपलब्ध करोआने लेई वचनबद्धता गी दर्शांदा ऐं
- श्री अमरनाथ जी दी यात्रा गी दिक्खदे होई डीजीपी होरें सांझी सुरक्षा बैठक लाइयै तैआरिएं दा जायजा लैतां
- श्री अमरनाथ जी दे श्रद्धालुएं दा सुआगत करने लेई लखनपुर सुविधा केन्द्र पूरी चाल्ली तैआरं इत्थें श्रद्धालुएं गी रौहने-बौहने ते आरएफआईडी पंजीकरण जनेई सुविधा हासल होगं
- मुख सचिव होरें ग्रामीण महिलाएं दे जीवन च बदलाव आहने ते सफल उद्यमी बनाने दी जरूरता पर जोर पांदे होई जेकेआरएलएम दी कारकरदगी ते प्रगति दा जायजा लैतां
- रेलवे च रेल सेवाएं लेई यात्री कराए च मामूली जनेहा बाद्धा कीतां

<><><><><><>

LG-Yatri Niwas

उपराज्यपाल मनोज सिन्हा होरें पैंथा चौक स्थित श्री अमरनाथ जी श्राईन बोर्ड दे यात्री निवास दा उद्घाटन कीतां इत्थें 13 सौ श्रद्धालुएं गी ठैहराने दी बवस्था उपलब्धा ऐं उनें आखेआ जे यात्री निवास इस गल्ला दा सबूत ऐं जे बाबा बर्फानी दे श्रद्धालुएं गी बेहतर सुविधा उपलब्ध करोआने लेई वचनबद्ध नं उपराज्यपाल होरें बाबा बर्फानी थमां प्रार्थना कीती जे ओ साढ़ी सरजमीन गी शांति, खुशहाली ते समृद्धि बख्खानं उनें आखेआ.....

<><><><><><>

DGP-SANJY

जम्मू कश्मीर दे डीजीपी नलनी प्रभात होरें दक्खन कश्मीर च पूरी पराती सुरक्षा स्थिति दा जायजा लैने लेई रेंज पुलस मुख्यालय अनंतनाग च इक उच्ची सतह दी सौहगी सुरक्षा समीक्षा बैठक दी अध्यक्षता कीतीं जेह्दे च चेचा करियै धसान श्री अमरनाथ जी दी यात्रा पर दित्ता गेआं बैठक मगरा डीजीपी होरें स्पैशल डीजीपी कोआर्डिनेटर एसजेएम गिलानी आईजीपी सिक्यूरिटी सुजीत कुमार ते होरने वरिष्ठ अफसरें कन्नै रलियै यात्रा आले रस्ते पहलगाम ते आले दोआले दे मुख इलाकें दा व्यापक दौरा कीतां डीजीपी होरें नवयुग ते चन्दनवाड़ी च आधार शिविरें दा मुआयना कीती ते सुरक्षा स्थिति दा जायजा लैतां

<><><><><><>

SANJY-Lakhanpur

आँदी श्री अमरनाथ जी दी यात्रा गी दिक्खदे होई कठुआ जिला प्रशासन आस्सेआ जम्मू कश्मीर दे प्रवेश द्वार लखनपुर गी केई सारी सुविधाएं कन्नै लैस इक केन्द्र दे तौर पर बदली दित्ता गेआ ऐं एह केन्द्र ज्हारां बद्धे श्रद्धालुएं दे सुआगत लेई पूरी चाल्ली तैआर ऐं इत्थें श्रद्धालुएं लेई पंजीकरण केन्द्र, रौहने बौहने दी सुविधा, सेहत दिक्खभाल दे अलावा सांस्कृतिक कार्यक्रम आयोजित करने दी सुविधा बी उपलब्ध ऐं इत्थें 24 घेंटे कम्म करने आला हैल्प डैस्क, आरएफआईडी पंजीकरण दे अलावा सुरक्षा बलें आस्सेआ बहु-स्तरीय सुरक्षा इंतजाम कीते गेदे नं होर जानकारी दिंदे होई डिप्टी कमीशनर कठुआ राकेश मिन्हास होरें आखेआ

<><><><><><>

SANJY Ramban

श्री अमरनाथ जी दी यात्रा लेई जम्मू कश्मीर पुलस ते सीआरपीएफ ने पूरे रामबन जिले च सुरक्षा इंतजामें सनें बलें दी तैनाती गी होर मता बधाई दित्ता ऐं रामबन दे एसएसपी कुलबीर सिंह होरें जानकारी दित्ती ऐं जे श्री अमरनाथ यात्रा ते सैलानिएं दी गड्डिएं गी दिने 8 बजे थमां पैहले चन्द्रकोट दे अगगे ते 3 बजे दे बाद नवयुग सुरंग दे अगगे जाने दी इजाजत नेई होगं उआं यात्रा दे महत्व गी दिक्खदे होई ते श्रद्धालुएं दी सुरक्षा गी दिक्खदे होई जम्मू कश्मीर पुलस दे हैल्पलाइन नंबर 24 घेंटे उपलब्ध नं आकाशवाणी समाचार कन्नै गल्ल करदे होई रामबन दे एसएसपी कुलबीर सिंह होरें आखेआ

LMD

उपभोक्ताएं दे हितें दी राक्खी करने दे मकसद कन्नै ते खास करियै श्री अमरनाथ यात्रा दे श्रद्धालुएं दी कनूनी नाप तौल मैहकमे नै यात्रा शा पैहले इक विशेष मुहिम चलाई जेहदे तैहत कटुआ जिले च राष्ट्रीय जरनैली शिड़कै दे कंडे कंडे निरीक्षण कीता गेआं इस दरान केई बपारिएं पर नियम कनून दे बक्ख-बक्ख प्रावधानें दा उल्लंघन करने लेई मामला दर्ज कीता गेआ ते तकरीबन 1 लक्ख 40 ज्हार रपे तगर दा जुर्माना मैहकमे आस्सेआ किट्ठा कीता गेआं

CS-JKRLM

ग्रामीण महिलाएं गी सशक्त ते आत्म निर्भर बनाने दी दिशा च अगगे बधने दे मकसद कन्नै मुख सचिव अटल डुल्लू होरें जम्मू कश्मीर राष्ट्रीय ग्रामीण आजीविका मिशन तैहत हासल प्रगति दा जायजा लैतां एहदा मकसद ग्रामीण महिलाएं दा एनआरएलएम तैहत पंजीकरण करियै उर्नें गी सशक्त बनाना ते उंदे जीवन च सकारात्मक बदलाव आहनना ऐ ते उर्नें गी सफल उद्यमी बनाना ऐं डुल्लू होरें आखेआ जे ग्रामीण महिलाएं च बड़ा मता समर्थ ऐ ते उर्नें महिलाएं दा सशक्तिकरण करियै उंदा समाजी तौर पर सशक्तिकरण करने पर जोर पायां मुख सचिव होरें महिला आप-सहायता समूह दे मिंबरें दे आर्थिक सशक्तिकरण गी बढ़ावा देने लेई किश हिदायतां बी जारी कीतियां

Railway Fair

रेल मंत्रालय नै यात्री रेल सेवाएं दे बुनियादी किराएं च तब्दीली कीती ऐ जेहड़ी अज्जै थमां लागू होगं गैर एसी मेल ते एक्सप्रेस ट्रेनें दे किराएं च 1 पैहा पही किलोमीटर ते एसी क्लास लेई 2 पैहे दी किलोमीटर दा बाद्धा कीता गेआ ऐं मंत्रालय नै आखेआ ऐ जे इक पाससे दी यात्रा लेइ लोकल ट्रेनें दे किराए च ते माहवार टिकटें च कोई बाद्धा नेई कीता गेआ ऐं एहदे अलावा रिसर्वेशन फीस सुपरफास्ट प्रभार ते होरने शुल्कें च कोई बी बदलाव नेई कीता जागं इस पैहलकदमी दा मकसद रेल किराएं गी युक्तिसंगत बनाना ते यात्री सेवाएं लेई माली स्थिरता गी बेहतर बनाना ऐं

Petition Comm Meeting

जम्मू कश्मीर विधानसभा दी याचिकाएं सरबंधी दी कमेटी नै कल श्रीनगर दे विधानसभा परिसर च इक बैठक सददी ते आवास मैहकमे कन्नै जुड़े दे मुद्दे पर बचार कीतां बैठक दी अध्यक्षता कमेटी दे चेयरमैन पीरजादा फारुक अहमद शाह होरें कीती ते सदस्यें मुश्ताक गुरु, सलमान सागर, मियां मेहर अली, विजय कुमार ते ठाकुर रणधीर सिंह होरें हिस्सा लैतां इस दरान साबका एमएलए गुलाम कादिर वानी हुंदे आस्सेआ छन्नी रामा च इक जिमीं दे मामले पर दर्ज याचिका बारे तफसीली चर्चा कीती गई चर्चा दरान याचिका च पुट्टे गेदे मसले लेई समेबद्ध तरीके कन्नै हल करने पर जोर दित्ता गेआं

PAC Meeting

जम्मू कश्मीर विधानसभा दी सार्वजनिक स्थाबे लेखे सरबंधी कमेटी दा श्रीनगर दे विधानसभा परिसर च खजाना मैहकमे दे आडिट पारस मुत्तलक चर्चा लेई इक बैठक लग्गीं इस बैठक दी अध्यक्षता कमेटी दे चेयरमैन शाम लाल शर्मा होरें कीतीं बैठक कमेटी दे मिंबर नजीर अहमद खान, केसर जमशेद लोन, जावेद हसन बेग, देविंदर कुमार मनेयाल, सज्जाद शाहीन ते मुजाफ्तर इकबाल खान होरें बी हिस्सा लैतां कमेटी नै वित्त मैहकमे दे आडिट पारस दा व्यापक जायजा लैतां अध्यक्ष होरें सार्वजनिक खर्चे च कारकरदगी ते पारदर्शिता बनाई रखने दी जरूरता पर जोर पायां

Tawi Aarti

अज्ज संजा थमां तवी आरती शुरु होआ करदी ऐं एह आरती हर रोज संझां 7 बजे तवी नदी दे चौथे पुलै कश सूर्य पुत्री तवी नदी दे खब्बे कंडे पर होआ करोगं एहदा मकसद सांस्कृतिक विरासत ते आध्यात्मिक एकता गी बढ़ावा देना ऐं मुकामी लोकें ते सैलानिएं गी एहदे च हिस्सा लैने लेई साद्दा दित्ता गेआ ऐं प्रशासन आसेआ सुरक्षा ते भीड़ दे प्रबंधन लेई लोड़चदे सबै हीले करी लैते गेदे नं मीडिया आहलें गी संबोधित करदे होई जम्मू नगर निगम दे कमिशनर देवांश यादव होरें आखेआ